

ঢাকা বিশ্ববিদ্যালয়  
ছাত্রলীগের সম্মেলন  
২২ মে

বিশ্ববিদ্যালয় প্রতিবেদক : আগামী ২২ মে ছাত্রলীগ, ঢাকা বিশ্ববিদ্যালয় শাখার সম্মেলন অনুষ্ঠানের তারিখ নির্ধারিত হয়েছে। এর আগে ১৯ জুন এ সম্মেলন অনুষ্ঠানের কথা থাকলেও বিশ্ববিদ্যালয়ে এ সময়ে ছুটি থাকার কারণে সম্মেলনের তারিখ এগিয়ে আনা হয়েছে।

আওয়ামী লীগ কেন্দ্রীয় কার্যালয়ে গতকাল ছাত্রলীগের সাংগঠনিক নেত্রী আওয়ামী লীগ সভানেত্রী শেখ হাসিনার সঙ্গে ছাত্রলীগের নবনির্বাচিত নেতৃবৃন্দের এক বৈঠকে এ তারিখ নির্ধারিত হয়।

সভায় গতকাল কেন্দ্রীয় কারাগার থেকে মুক্তিপ্রাপ্ত ছাত্রলীগ কেন্দ্রীয় কমিটির সমাজসেবা সম্পাদক মমিন পাটোয়ারী শেখ হাসিনার সঙ্গে সাক্ষাৎ করেন।

এদিকে আওয়ামী লীগ সভানেত্রী শেখ হাসিনা দেশব্যাপী বিএনপির নেতাকর্মীদের অত্যাচার, নির্যাতনের বিরুদ্ধে জনমত গড়ে তুলতে ছাত্রলীগ নবনির্বাচিত নেতৃবৃন্দকে সাংগঠনিক সফর শুরু করার পরামর্শ দিয়েছেন।

সভায় ছাত্রলীগ কেন্দ্রীয় কমিটির ভারপ্রাপ্ত সভাপতি মারুফা আক্তার পপি, ভারপ্রাপ্ত সাধারণ সম্পাদক সাইফুজ্জামান শিখরসহ নবনির্বাচিত ছাত্রলীগ নেতৃবৃন্দ উপস্থিত ছিলেন।